

Item am jare <sup>o</sup>MCCCCLXXXI<sup>o</sup> wafs grod düre tyd over de gantffen werlde, unde im ftichte to Hildenfem ghalt de ghulde twe Lüb. punt, unde dat voder weten ward do koft vor drittich Rinffche gulden, dat voder roggē vor XXIII gulden, dat voder garften vor teyn gulden, dat voder havern vor achte ghuldenn.

Item darna im <sup>o</sup>LXXXI<sup>o</sup> jare tegen de arne wafs eyn groth regen im ftichte to Hildenfem, unde warde dre dage unde nacht; unde darvan wart grot deipe unde vloith, unde hyr to Rutenberge uppe dem broke wafs de anger unde grafs alle bevlotenn wente an de veltgraven, unde de ftege na Sofferenn vloten enwech, fo dat dat queck nicht konde up dat brock to grafe ghan, unde de regen unde vloth kam drye over vor Michaelis, unde regende alle dage fcher wente tho dem anderen jare, unde wafs nath, unde vele korns, dat de lude van regen nicht kondenn innevoren unde nicht wedder feygen konden de wynterfaed; unde des andern jares ftarff vele queckes van dem vulen flimigen graffe, dat dat queck ghegheten hadde.

Item am jare <sup>o</sup>MCCCCLXXXIII<sup>o</sup> tegen den fommer wafs noch de dure tyd, unde do galt noch de fchepel wettē Hilden. mate XXIII Lüb. fchillinge, de fchepel roggē eyn punt, de fcheppel garften vafteyn fchillinge, de fcheppel havern teyn Lüb. fchillinge, de fchepel wickenn, arweten, bonen eyn punt.

Item Hinrick, hartoge to Brunswick, unde Hinrick, hartoge to Luneborch, vedderen, worden vygent der ftad Brunswick, unde togen mith velen heren unde luden vor de ftad Brunswick tegen de arne am jare <sup>o</sup>M<sup>o</sup>CCCC<sup>o</sup>LXXXII<sup>o</sup> unde wunnen dofulves aff den van Brunswick ore borgen, alfo benometh de Affeborch, Vechelde, Nygenbrugge, Kamp unde Thun, unde breken alle ore lantwere, unde bleven liggende in dem clofter Riddageshufenn. Darumme worden vigent de van Hildenfem der heren van Brunswick am dage Angnete [Januar 21.] anno etc. <sup>o</sup>LXXXIII<sup>o</sup> jare.

Item des mitwekens vor Esto michi [Febr. 13.] do-